

der/das er sehe die Stadt vnd Thurm/ die die Menschenkinder baweten. Vnd der HERR sprach: Siehe/ es ist einerley Volck vnd einerley Sprache vnter ihnen allen/ vnd haben das angefangen zu thun: sie werden nicht ablassen von allem/ das sie vorgenommen haben zu thun. Wolauff/ last vns hernieder fahren/ vnd ihre Sprache daselbst verwirren/ das keiner des andern Sprache vernehme. Also zerstrewet sie der HERR von dannen in alle Länder/ das sie mussten auffhören die Stadt zu bawen. Daher heist ihr Name Babel/das der HERR daselbst verwirret hatte aller Länder Sprache / vnd sie zerstrewet von dannen in alle Länder.

Als nun sie (wie jetzt gehört) zerstrewet worden/seye Tuisco, welche Noe mit seinem Weibe Araza, oder Arazia nach der Sündfluth geboren/ vnd erzeuget/ hier auß in Europam, vnd die Land/welche man Teutschland nennet/kommen / Er sey ein Vater vnd anfänger gewesen aller Teutschen/ vnd Sarmaten/habe bey dem Rhein Gesess geben/nach denen sie ordentlich leben solten/vnd wie etliche meynen/ gegen der Stadt Colln vber seine
woh